

**Oqaluuserisassat pillugit nassuiaat.**  
(Inatsisartut Siulittaasoqarfiat)

2011-mi Inatsisartut ukiakkut ataatsimiinnissaannut UKA 2011-mut oqaluuserisassatut siunnersuutit siunnersuutillu oqaluuserisassanngortinneqartut ulloq 17. august 2011 siullermik nassiunneqarput.

Siulittaasoqarfiup isumaqatigiittup oqaluuserisassat akuerineqarnissaat inassutigaa. Oqaluuserisassat siullermik nassiunneqarnerannut atatillugu ilaasortat ataasiakkaat partiillu qinnuigineqarput uparuaatissaqarunik saqqummiussaqaqqullugit. Siulittaasoqarfik uparuaatinik tigusaqanngilaq.

Oqaluuserisassanut siullermik nassiunneqartunut sanilliullugu oqaluuserisassani allannguutit oqaluuserisassat allattorsimaffianni kingullermi qarasaasiakkut nassiunneqartumi takuneqarsinnaapput.

Siunnersuutit ataasiakkaat siusinnerusukkut ataatsimiinnerni siullermeerneqareerput UKA 2011-milu aappasaaniigassanngortinneqarsimallutik.

Siulittaasoqarfiup inassutigaa siunnersuutit taakku toqqaannartumik taasissutigisassanngortinneqartassasut, Inatsisartuni oqallinnerup nangeqqinneqarnissaanut immikkut pissutissaqanngikkaangat.

Naalackersuisut Inatsisartunulluunniit ilaasortat qinnuigineqarput siunnersuutip pineqartup suliarineqalinnginnerani Siulittaasoqarfimmut saaffiginnissuteqartaqqullugit, siunnersuutip suliareqqinneqarnerani maani inimi oqaluusereqqinneqarnissaa kissaatigineqarpat.

Ullut ataatsimiiffiusut ataasiakkaat ingerlaavartuussapput, taamaalillunilu immikkoortut ullumi ataatsimiiffiusumi oqaluuserineqarfissaminni angumerineqanngitsoortut ullormi ataatsimiiffiusumi tullermi oqaluuserineqartassallutik.

Inatsisartunut ilaasortat partiilluunniit oqaluuserisassanut oqaaseqaatissaqarunik kissaateqarunilluunniit qinnuigineqarsimapput tamatuminnga ataatsimiinnissaq kingusinnerpaamik sapaatip akunnerannik ataatsimik sioqqullugu Siulittaasoqarfimmut saaffiginneqqullugit.

Naggataatigut oqaatigineqassaaq Inatsisartunut ilaasortat ataasiakkaat namminneq akisussaaffigimmassuk siunnersuutimik kalaallisut danskisullu eqqortumik oqaasertalerneqarsimanissaat. Siunnersuutini oqaasertaliussanik erseqqissaasoqarniarpat taakkununga iluarsisutit siunnersuutip UKA2011-mi oqaluuserineqarnissaa sioqqullugu Allattoqarfimmut nassiuteqquneqarput.

Naalackersuisut imm. 107 “Akileraartarnermut Atugarissaarnermullu Isumalioqatigiissitap isumaliutissiissutaanik malitseqartitsinissaq pillugu nassuiaat” kingusinnerusukkut ilanngunnikuuaat. Siulittaasoqarfiup kingusinnerusukkut ilanngussineq akuerinikuuaa, immikkoortorlu ulloq 10. november suliarineqartussanngorpoq, taavalu ulloq taanna

ilassutitut immikkut ataatsimiiffissanngorpoq.

Immikkoortoq 67 Inatsisartut Suleriaasiata allanngortinneqarnissaanik siunnersuut Siulittaasoqarfiup saqqummiunnikuuaa. Ataatsimiititaliaqarnikkut aaqquissuusaanerup allanngortinneqarnissaat siunnersuuteqarnikkut siunertaavoq. Siunnersuut ulloq 21. september siullermeerneqassasoq kiisalu ulloq 22. september aappassaaneerneqarlunilu pingajussaaneerneqassasoq siunnersuutigineqarpoq, taamaalilluni Inatsisartut Suleriaasianni maleruagassanut atatillugu immikkut akuersissutaalluni.

Inatsisartut Suleriaasiat aatsaat akuerineqarpat immikkoortut 4 aamma 5, Ataatsimiititalianut inatsisit naapertorlugit pilersinneqartussanut ataavartunullu ilaasortanik kiisalu siunnersuisoqatigiinni aamma ataatsimiititaliani aalajangiisartuni ilaasortanik qinersineq, suliarineqassapput.

Siulittaasoqarfiup aalajangerpaa imm. 4, ataatsimiititalianut ilaasortassanik qinersineq, siusinnerusukkut pisarnertut matoqqasumik ingerlanneqassasoq. Inernerit immikkoortup suliarineqareernerani ingerlaannaq tamanut ammasumik saqqummiunneqassapput.

Oqaluuserisassat akuerineqartutut isigineqarput.